



東坡集卷第十七

詩八十八首

贈李道士并叙

駕部員外郎李君宗固景祐中良吏也守漢州有道
士尹可元精練善畫以遺火得罪當死君緩其獄會
赦獲免時可元年八十一自誓且死必為李氏子以
報可元既死二十餘年而君子世昌之婦夢可元入
其室生子曰得柔小名蜀孫幼而善畫既長讀莊老
喜之遂為道士賜號妙應事母以孝謹聞其寫真蓋
妙絕一時云



世人只數曹將軍誰知虎頭非癡人腰間大羽何足
道頰上三毛自有神平生行侮諸公子戲著幼與巖
石裏故教世世作黃冠布襪青鞋弄雲水千年鼻祖
守關門一念還為李耳孫香火舊緣何日盡丹青餘
習至今存五十之年初過二衰頰記我今如此他時
要指集賢人知是香山老居士樂天為翰林學士
奉詔寫真集賢院
次韻張舜民自銜史出倅虢州留別

玉堂給札氣如雲初喜相累復佩銀樊口淒涼已陳
迹昔與張洞游武昌班心突兀見長身臺史謂班心
與張洞中又之江湖前日真成夢鄆杜他年恐卜鄰此去若容陪坐

嘯故應客主盡詩人

次韻米黻二王書跋尾二首

三館曝書防蠹毀得見來禽與青李秋蛇春蚓久相
雜野鴛鴦家雞定誰羨玉函金籀天上來紫衣敕使親
臨啓紛綸過眼未易識磊落挂壁空雲委歸來妙意
獨追求坐想蓬山二十秋怪君何處得此本上有栢
玄寒具油巧偷豪奪古來有一笑誰似癡虎頭君不
見長安永寧里王家破垣誰復修

元章作書日千紙平生自苦誰與羨畫地為餅未必
似要令癡兒出饒水錦囊玉軸來無趾粲然奪真疑

聖智忍飢看書淡如洗至今魯公餘乞米

次韻宋肇惠澄心紙二首

詩老囊空一不留百番曾作百金收永叔以澄心百幅遺聖俞聖俞

誦知君也厭雕肝腎分我江南數斛愁

君家家學陋相如宜與諸儒論石渠古紙無多更分

我自應給札奏新書

郭熙秋山平遠二首

目盡孤鴻落照邊遙知風雨不同川此間有句無人

見送與襄陽孟浩然

木落騷人已怨秋不堪平遠發詩愁要看萬壑爭流

處他日終煩顧虎頭

送歐陽耕監澶州酒

行血駕鼓車何從致千里紛紛攜麪間欲試賢公子

君家江南英隴足滄浪水竭渡舊黃河漲沙埋馬耳

由來付造物倚伏何窮已當念楚子文三仕無愠喜

九月十五日邇英講論語終篇賜執政講

讀史官燕于東宮又遣中使就賜

御書詩各一首臣軾得紫薇花絕句其詞

云絲綸閣下文書靜鐘鼓樓中刻漏長獨

坐黃昏誰是伴紫薇花對紫薇郎翌日各

聖智忍飢看書淡如洗至今魯公餘乞米

次韻宋肇惠澄心紙二首

詩老囊空一不留百番曾作百金收永叔以澄心百幅遺聖俞聖俞

誦知君也厭雕肝腎分我江南數斛愁

君家家學陋相如且與諸儒論石渠古紙無多更分

我自應給札奏新書

郭熙秋山平遠二首

目盡孤鴻落照邊遙知風雨不同川此間有句無人

見送與襄陽孟浩然

木落騷人已怨秋不堪平遠發詩愁要看萬壑爭流

處他日終煩顧虎頭

送歐陽辯監澶州酒

行血駕鼓車何從致千里紛紛糟麴間欲試賢公子

君家江南英隴足滄浪水竭渡舊黃河漲沙埋馬耳

由來付造物倚伏何窮已當念楚子文三仕無愠喜

九月十五日邇英講論語終篇賜執政講

讀史官燕于東宮又遣中使就賜

御書詩各一首臣軾得紫薇花絕句其詞

云絲綸閣下文書靜鐘鼓樓中刻漏長獨

坐黃昏誰是伴紫薇花對紫微郎翌日各

以表謝又進詩一篇臣軾詩云

繡裳畫袞雲垂地不作成王翦桐戲日高黃纈下西

清風動槐龍舞交翠通英閣前有雙槐形壁中蠹簡今

千年漆書蝌蚪光射天諸儒不復憂吻燥東宮賜酒

如流泉酒酣復拜千金賜一紙驚鸞回鳳字蒼顏白

髮便生光袖有驪珠三十四臣所賜詩并題目及歸

來車馬已喧闐爭看銀鉤墨色鮮人間一日傳萬口

喜見雲章第一篇上前此未嘗以玉堂畫掩文書靜

鈴索不搖鐘漏永莫言弄筆數行書須信時平由

主聖犬羊散盡沙漠空捷烽夜到甘泉宮似聞指麾

築上郡已覺談笑無西戎時無河新獲鬼章是日臣原

文思天子師文母終開玉關辭馬武小臣願對紫微

花試草尺書招贊普謹按唐制翰林學士帶知制誥

誥待罪蔡林故得

和王晉卿并叙

駙馬都尉王詵晉卿功臣全彬之後也元豐二年予

得罪貶黃岡而晉卿亦坐累遠謫不相聞者七年予

既召用晉卿亦還

朝相見

殿門外感歎之餘作詩相屬託物悲慨阨窮而不怨

秦而不驕佳其貴公子有志如此故次其韻
先生欽東坡獨舞無所屬當時挹明月對影三人足
醉眠草棘間蟲虺莫予毒醒來送歸鴈一寄千里目
悵焉懷公子旅食久不玉欲書加餐字遠託西飛鵠
謂言相濡沫未足救溝瀆吾生如寄耳何者為禍福
不知兩相忘昨夢那可逐上書得自便歸老湖山曲
躬耕二頃田自種十年木豈知垂老眼却對金蓮燭
公子亦生還仍分刺史竹賢愚有定分尊俎守尸祝
文章何足云執技等醫卜朝廷方西顧羌虜驕未伏
遙知重陽酒白羽落黃菊羨君真將家浮面氣可掬

素天綱語寶軌君語則赤何當請長纓一戰河湟復

謝王澤州寄長松兼簡張天覺二首

莫道長松浪得名能教覆額兩眉青便將徑寸同千
尺知有奇功似伏苓

憑君說與埋輪使速寄長松作解嘲送張天覺詩有埋輪及河東性
語無復青黏和漆葉枉將鍾乳敵仙茅

次韻劉貢父所和韓康公憶持國二首

夢覺真同鹿覆蕉相君脫屣自參寥顏紅底事髮先
白室邇何妨人自遙狂似次公應未怪醉推東閣不
須招援毫欲作衣冠表盛事終當繼八蕭唐蕭氏自始反道八等相

閉戶端居念獨深小軒朱檻憶同臨燎須誰識英

公意英公為其姊作粥瘠須曰黃髮聊知子建心

與楚王虎別詩云王其已託西風傳絕唱且邀明月

伴孤斟他時內集應呼我下客先判平醉墮簪

次韻劉貢父叔姪扈駕

玉堂孤坐不勝清長羨故鄒接長卿只許隔牆聞置

酒時因議事得聯名機雲似我多遺俗廣受如君不

治生共託屬車塵土後鈞天一餉夢中榮

次韻韓康公置酒見留

煮下黃花一醉同重來雪嘯已穹隆不應屢費譏安

石但使毋多酌次公鍾乳金釵人似玉鷓弦鐵撥坐

生風少卿尚有車茵在頗覺寬容勝弱翁

次韻王都尉偶得耳疾

君知六鑿皆為贅我有一言能決疣病客巧聞牀下

蟻癡人強覷棘端猴聰明不在根塵裏藥餌空為婢

僕憂但試周郎看聾否曲音小誤已回頭

送喬全寄賀君六首并叙

舊聞靖長官賀水部皆唐末五代人得道不死章

聖皇帝東封有謁於道左者其謁云晉水部真外郎

賀元再拜而去上不知也已而閱謁見之大驚物

色未之不可得天聖初又使其弟子喻澄者詣闕
進佛道像直數千萬張公安道與澄遊具得其事又
有喬全者少得大風疾幾死賀使學道今年八十益
壯盛人無復見賀者而全數見之元祐二年十二月
全來京師十許日子留之不可曰賀以上元期我於
蒙山又曰吾師嘗遊密州識君於常山道上意若喜
君者作是詩以送之且作五絕句以寄賀
君年二十美且都初得惡疾墮眉頰紅顏白髮驚妻
孀覽鏡自嫌欲弃軀結茅窮山啖松腴路逢逃秦博
士盧方瞳照野清而矐再拜未起煩一呼覺知此身

了非吾炯然蓮花出泥塗隨師東遊渡淮邾邾密
名山頭見我兩輪朱豈知仙人混屠沽爾來八十曾
垂胡上山如飛瞋人扶東歸有約不敢渝新年當參
老仙儒秋風西來下雙鳧得棗如瓜分我無
生長兵間早脫身晚爲元祐太平人不驚渤澥桑田
變來看龜蒙滿澤春
曾謁東封玉輅塵幅巾短褐亦逡巡行宮夜奏空名
姓悵望雲霞縹眇人
垂老區區豈爲身微言一發重千鈞始知不見高皇
帝正似商山四老人

舊聞父老晉郎官已作飛騰變化看聞道東蒙有居
處願供薪水看燒丹
千古風流賀季真最怜嗜酒謫仙人狂吟醉舞知無
益粟飯藜羹問養神

送家安國教授歸成都

別君二十載坐失兩鬢青吾道雖艱難斯文終典刑
屢作退飛鷁羞看乾死螢一落戎馬間五見霜葉零
夜談空說劍春夢猶橫經新科復舊貫童子方乞靈
須煩凌雲手去作入蜀星蒼苔高朕室古柏文翁庭
初聞編簡香始覺鋒鏑腥岷峨有雛鳳梧竹養脩翎

嗚呼應嶰律飛舞集虞廷吾儕便歸老亦足慰餘齡

和子由除夜元日省宿致齋三首

江淮流落豈關天禁省相望亦偶然等是新年未相
見此身應坐不歸田

白髮蒼顏五十三家人強遣試春衫朝回兩袖天香
滿頭上銀幡笑阿咸

當年踏月走東風坐看春闈鎖醉翁白髮門生幾人
在却將新句調兒童

次韻答張天覺二首

車輕馬穩轡街堅但有蚊蟲喜撲綠截斷口前君莫

怪人間差樂勝巢仙

馭風騎氣我何勞且要長松作土毛亦如訶佛丹霞
老却向清涼乳白毫

次韻黃魯直畫馬試院中作

少年鞍馬勤遠行卧聞齧草風雨聲見此忽思短策
橫十年髀肉磨欲透那更陪君作詩瘦不如芋魁歸
飯豆門前欲嘶御史驄詔恩三日休老翁羨君懷中
雙橘紅黃有

余與李廌方叔相知久矣領貢舉事而李
不得第愧甚作詩送之

與君相從非一日筆勢翩翩疑可識平時謾說古戰
場過眼終迷日五色我慙不出君大笑行止皆天子
何責青袍白紵五千人知子無怨亦無德買羊沽酒
謝玉川為我醉倒春風前歸家但草凌雲賦我相夫
子非癯仙

和王晉卿送梅花次韻

東坡先生未歸時自種來禽與青李五年不踏江頭
路夢逐東風泛蘋芷江梅山杏為誰容獨笑依依臨
野水此間風物君未識花浪翻天雪相激明年我復
在江湖知君對花三嘆息

和宋肇遊西池次韻

漢皇慈儉不開邊尚教千艘下瀨舡貪看鯨鱗飛關
艦不知鼎鬲舞鈞天故山西望三千里往事回思二
十年自笑區區足官府不如公子散神仙

書艾宣畫四首

竹鶴

此君何處不相宜況有能言老令威誰識長身古君
子猶將緇布綠深衣

黃精鹿

太華西南第幾峯落花流水自重重幽人只採黃精

去不見春山鹿養茸

杏花白鷗

天工翦刻爲誰妍抱蕊游蜂自作團把酒惜春都是
夢不如閑客此閑看

蓮龜

半脫蓮房露壓歌綠荷深處有游龜只應翡翠蘭名
上獨見玄夫曝日時

僕領貢舉未出錢穆父雪中作詩見及三
月二十日同遊金明池始見其詩次韻
雪知我出已全消花待君來未敢颺行避門生時小

飲忽逢騎吏有嘉招魚龍絕技來千里班白遺民數
四朝知有黃公酒壚在蒼顏華髮自相遥

次韻子由五月一日同轉對

跪奉新書笏在腰談王正欲伴耕雉晉陽豈為一門

事起高祖謂温大雅兄弟云我宣政聊同五月朝正元

政殿與文武百僚相見憂患半生聯出處歸休上

策早招要後生可畏吾衰矣刀筆從來錯料堯

韓康公挽詞三首

故國非喬木興王有世臣嗟予後死者猶及老成人
德業經文武風流表縉紳空餘行樂地處處泣遺民

再世忠清德三朝翼贊勲功成不歸國就訪敢忘君
舊學嚴詩律餘威靖塞氛何當繼韓奕故吏摠能文
西第開東閣初筵黠後塵笙歌邀白髮燈火樂青春
扶路三更罷回頭一夢新賦詩猶墨温把卷獨沾巾

栢石圖詩并叙

陳公弼家藏栢石圖其子慥季常傳寶之東坡居士
作詩以為之銘

栢生兩石間天命本如此雖云生之艱與石相終始
韓子俯仰人但愛平地美土膏糞壤成壞幾何耳
君看此槎牙豈有可移理蒼龍轉玉骨黑虎抱金柅

畫師亦可人使我毛髮起當年落筆意正欲譏韓子
慶源宣義王文以累舉得官為洪雅主簿
雅州戶掾遇吏民如家人人安樂之既謝
事居眉之青神瑞草橋放懷自得有書來
求紅帶既以遺之且作詩為戲請黃魯直
學士秦少游賢良各為賦一首為老人執
青衫半作霜葉枯遇民如兒吏如奴吏民莫作官長
看我是識字耕田夫妻啼兒號刺史怒時有野人來
挽須拂衣自注下下考茅魁飯豆吾豈無歸來瑞草
橋邊路獨游還佩平生壺慈母巖前自喚渡青衣江

上人爭扶今年蚕市數州集中有遺民懷袴襦邑中
之黔相指似白髯紅帶老不癯我欲西歸卜鄰舍隔
墻拊掌容歌呼不學山王乘駟馬回頭空指黃公壚

次許冲元韻送成都高士敷鈴轄

移中老監本虛名懶作燕山萬里行與高若奉使
與高若奉使
坐看飛鴻迎使節歸來駿馬換傾城高才本不緣勲
闕餘力還思治蜀兵西望雪山烽火盡不妨樽酒寄
平生

次前韻送程六表弟

君家兄弟真連璧門十朱輪家萬石竹使猶分刺史

符尚方行賜尚書烏前年持節發倉廩到處賣刀收
重粟歸來閉口不論功却走渡江誰復惜君才不用
如澗松我老得全猶杜櫟青衫莫厭百僚底白首上
有千薪積憶昔江湖一釣舟無數雲山供點筆未應
便障西風扇只恐先移北山檄憑君寄謝江南叟念
我空見長安日浮江汭蜀有成言江水在此吾不食
和王晉卿題李伯時畫馬

督郵有良馬不為君所竒顧收紙上影駿骨何由歸
一朝見縈策蟻封驚肉飛豈惟馬不遇人已半生癡
送錢穆父出守越州絕句二首

簿書常苦百憂集樽酒今應一笑開京兆從教思廣
漢會稽聊喜得方回

若耶溪水雲門寺賀監荷花空自開我恨今猶在泥
滓勸君莫棹酒缸回

戲書李伯時畫御馬好頭赤

山西戰馬飢無肉夜嚼長稽如嚼竹蹏間三文是徐
行不信天山有坑谷豈如廐馬好頭赤立仗歸來卧
斜日莫教優孟卜葬地厚衣薪類入銅歷

送程七表弟知泗州

江湖不在眼塵土坐滿顏繫舟清洛尾初見淮南山

淮山相媚好曉鏡開煙鬟持此娛使君一笑簿領間
使君如天馬朝燕莫荆蛮時無王良手空老十二閑
聊當出毫末化服狡與頑勿謂無人知古佛臨濤灣
赤子視萬類流萍閱人寰但使可此人餘事真茹管

送曹輔赴閩漕

曹子本儒俠筆勢翻濤瀾往來戎馬間邊風裂儒冠
詩成橫槊裏楮墨何曾乾一旦事遠遊紅塵隔巖灘
平生羊炙口並海搜鹹酸一從荔支飲豈念首着槃
我亦江海人市朝非所安常恐青霞志坐隨白髮闌
淵明賦歸去談笑便解官今我何爲者索身良獨難

憑君問清淮秋水今幾竿我舟何時發霜露日已寒

次韻王郎子立風雨有感

百年一俯仰寒暑相主客稍增裘褐氣已覺團扇厄
不須計榮辱此喪彼有獲我琴終不敗無攪故無釋
後生不自牧呻吟空披策握苗不待長賣菜苦求益
此卽獨靜退門外無行迹但恐陶淵明每爲飢所迫
淒風弄衣結小雪穿門席願君付一笑造物亦戲劇
朝來賦雲夢筆落風雨疾爲君裁春衫高會開桂籍

次韻黃魯直嘲小德小德魯直子其母微
故其詩云解著潛夫論不妨無外家

進饌客爭起小兒那可涯莫欺東方星三五自橫斜
名駒已汗血老蚌空泥沙但使伯仁長還與絡秀家
書林次中所得李伯時歸去來陽關二圖

後二首

不見何戡唱渭城舊人空數米嘉榮龍眠獨識慇懃
處畫出陽關意外聲

兩本新圖寶墨香樽前獨唱小秦王爲君翻作歸來
引不學陽關空斷腸

送蹇道士歸廬山

物之有知蓋恃息孰居無事使出入心無天遊室不

空六鑿相攘婦爭席法師迷人入廬山山中無人自
往還往者一空還者失此身正在無還間絲絲不絕
微風裏內外丹成一彈指人間俯仰三千秋騎鶴歸
來與子游

卧病逾月請郡不許復直玉堂十一月一日

鏢院是日苦寒詔賜官燭法酒書呈院

微霰踈踈點玉堂詞頭夜下攬衣忙分光御燭星辰
爛拜賜官壺雨露香醉眼有花書字大老人無睡漏
聲長何時却逐桑榆暖社酒寒燈樂未央

送周朝議守漢州

茶為西南病氓俗記二李與也何人折其鋒矯矯六

君子思有與姓正孺張永微吳君家尤出力流落初

坐此謂嘗收桑榆華髮看綰履胡為犯風雪歲晚行

未已念臨誠得計顧自為謀耳吾聞江漢間瘡痍有

未起莫輕龔遂老君王付尺筆召還當有詔挽袖謝

鄰里猶堪作水衡供張園林美

木山井叙

吾先君子嘗蓄木山三峯且為之記與詩詩人梅二

文聖俞見而賦之今三十年矣而猶子千乘又得五

峯益奇因次聖俞韻使并刻之其後

聖俞詩

空山枯楠大蔽牛霹靂夜落魚鳧洲魚鳧水射幾千

秋蠹肌爛隨沙蕩流惟存堅骨蛟龍鏤形侔三山中

雄酋左右兩峯相挾翼尊奉君長無慢尤蘇夫子見

之驚焉且喜買於谿叟憑貂裘因嗟大不為梁棟又歎

殘不為薪樵兩侵蘚澁得石瘦宜與夫子歸隱丘

次韻

木生不願回萬牛願終天年竹沙洲時來幸逢河伯

秋掀然見怪推不流蓬婆雪嶺巧雕鏤螿蟲行蟻為

藪酋阿咸大膽忽持去河伯好事不汝尤城中古沼

浸坤軸一林瘦竹吾菟裘二頃良田不難買三年糧
木行可類會將白髮對蒼巖魯人不厭東家丘

送千乘千能兩姪還鄉

治生不求富讀書不求官譬如飲不醉陶然有餘歡
君看龐德公白首終泥蟠豈無子孫念顧獨遺以安
鹿門上冢回牀下拜龍鴈躬耕竟不起耆舊節獨完
念汝少多難冰雪落綺紉五子如一人奉養直色難
烹雞獨餽毋自饗首者槩口腹恐累人寧我食無肝
西來四千里敝袍不言寒秀眉似我兄亦復心閑寬
忽然捨我去歲晚留餘酸我豈軒冕人青雲意先闌

汝歸蒔松菊環以青琅玕橙陰三年成可以挂我冠
清江入城郭小圃生微瀾相從結茹舍曝背談五盃

送周正孺知東川

得郡書生榮還家昔人重而沈東西川千騎許上冢
里門下車入父老自驚聳端如何武賢不事長卿寵
清時養材傑杞梓方培擁未應遺合抱取用及把拱
如君尚出塵顧我宜耕壟告歸謝先手求去悔不勇
豈云慕廉退實自知衰冗為君掃棠陰畫像或相踵

蜀中太守無
不畫像者

題李伯時畫趙景仁琴鶴圖二首

清獻先生無一錢故應琴鶴是家傳誰知默鼓無絃
曲時向珠官舞幻仙

醜石寒松未易親聊將短曲調長人乘軒故有非明
眼終日傲傲舞嬰新

次前韻再送周正孺

東川得望即坐與西垂重高風傾石室舊學鄙文冢
蜀人安使君所至野不登竹馬迎細侯大錢送劉寵
遙知句谿路老樺相扶擁看畫古叢祠百怪朝幽拱
牛頭與兜率雲木蔚堆壠醉鄉追舊游筆陣賈餘勇
聊將詩酒樂一掃簿書元西風吹好句珠玉本無踵

劉蛻文冢
銘在梓川

書王定國所藏煙江疊嶂圖 王晉卿書

江上愁心千疊山浮空積翠如雲煙山耶雲耶遠莫
知煙空雲散山依然但見兩崖蒼蒼暗絕谷中有百
道飛來泉紫林絡石隱復見下赴谷口爲奔川川平
山開林麓漸小橋野店依山前行人稍度喬木外漁
舟一葉江吞天使君何從得此本點綴毫末分清妍不
知人間何處有此境徑欲往置二頃田君不見武昌
樊口幽絕處東坡先生留五年春風搖江天漠漠暮
雲卷雨山娟娟丹楓翻鴉伴水宿長松落雪鷺鷥眠

桃花流水在人世武陵豈必皆神仙江山清空我塵
土雖有去路尋無緣還君此畫三歎息山中故人應
有招我歸來篇

次韻王定國會飲清虛堂

何遜揚州又幾年官梅詩興故依然何人可復問李
孟與子不妨中聖賢下策君方淮上郡歸心我已劔
南川此身正似蚕將老更盡春光一再眠

與龍節侍宴前一日微雪與子由同訪王
定國小飲清虛堂定國出數詩皆佳而五
言尤奇子由又言昔與孫巨源同過定國

感念存沒悲歎久之夜歸稍醒各賦一篇
明日朝中以示定國也

天風泚泚飛玉沙詔恩歸沐休早衙遙知清虛堂裏
雪正似蒼苔林中花出門自笑無所詣呼酒持勸惟
君家踏冰凌筋戰疲馬扣門剝啄驚寒鴉羨君五字
入詩律欲與六出爭天葩頭風已倩檄手愈背癢恰
得仙爪爬銀餅寫油浮蟻酒紫盃鋪粟盤茶幅巾
起作鴟鷂舞鼙鼓誰慘漁陽過九衢燈火雜夢寐十
年聚散空咨嗟明朝握手殿門外共看銀闕散晨霞

王晉卿所藏著色山二首

縹緲登丘水墨仙
浮空出沒無間爾
來一變風流蓋誰見
將軍著色山

筆確何人似退之
意行無路欲從誰
宿雲解駁晨光漏
獨見山紅澗
老時

次韻黃白直效進士作歲寒知松栢詩

龍蟄雖高卧雞鳴一不廢
時炎冷徒自變茂悅兩相知
已負棟梁質肯爲兒女姿
那憂霜質未喜日遲遲
難與夏蟲語永無秋實悲
誰知此植物亦解秉天彝
王晉卿作煙江疊嶂圖僕賦詩十四韻晉
卿和之語特奇麗因復次韻不獨紀其詩

畫之美亦爲道其出處契闊之故而終之
以不忘在莒之戒亦朋友忠愛之義也

山中舉頭望日邊
長安不見空雲煙
歸來長安望山
上時移事改應
潛然管絃去盡
賓客散惟有馬
埒編金泉渥注故
自千里足要飽
風雪輕山川屈
居華屋啗棗脯
十年俯仰龍旂
前却因病瘦出
奇骨照車之厄
寧非天風流文
采磨不盡水墨
自與詩爭妍畫
山何必山中人
田歌自古非知
田鄭虔三絕君
有二筆勢挽回
三百年欲將叢
谷乱窈窕眉峯
脩嫵誇連娟人
間何有春一夢
此身將老蚕三
眠山中幽絕不
可

縹緲三丘水墨仙
浮空出沒有無間
爾來一變風流盡
誰見將軍著色山

筆跡何人似退之
苦心行無路欲從誰
宿雲解駭晨光漏
獨見山紅澗碧時

次韻黃白直效進士作歲寒知松栢詩

龍蟄雖高卧雞鳴一不廢
時炎冷徒自變茂悅兩相知
已負棟梁質肯爲兒女姿
那憂霜質未喜日遲遲
難與夏蟲語永無秋實悲
誰知此植物亦解秉天彝

王晉卿作煙江疊嶂圖僕賦詩十四韻晉

卿和之語特奇麗因復次韻不獨紀其詩

畫之美亦爲道其出處契闊之故而終之以不忘在莒之戒亦朋友忠愛之義也

山中舉頭望日邊
長安不見空雲煙
歸來長安望山上
時移事改應潛然
管絃去盡賓客散
惟有馬埒編金泉
渥洼故自千里足
要飽風雲輕山川
屈居華屋啗棗脯
十年俯仰龍旂前
却因病瘦出奇骨
照車之厄寧非天
風流文采磨不盡
水墨自與詩爭妍
畫山何必山中人
田歌自古非知田
鄭虔三絕君有二
筆勢挽回三百年
欲將巖谷亂窈窕
眉峯脩嫵誇連娟
人間何有春一夢
此身將老蚕三眠
山中幽絕不可

久要作平地家居仙能令水石長在眼非君好我當
誰緣願君終不忘在昔樂時更賦因山篇因山賦厚有

夜直王堂携李之儀端叔詩百餘首讀至
夜半書其後

玉堂清冷不成眠伴直難呼孟浩然暫借好詩消永
夜每逢佳處輒參禪愁侵硯滴初含凍喜入燈花欲
聞妍寄語君家小兒子他持此句一時編

景仁和賜酒燭詩復次韻謝之時公方
進新樂

笙磬分均上下堂增說堂上之樂皆受笙
樂皆受磬均游魚舞獸
自奔忙朱絃初識巡桐韻舊樂金石與絲聲皆著

玉璫猶聞秬黍香補法以尺生律今以萬事今方咨
伯始一班我亦愧真長此生會見三雍就無復察察
歎未央

次韻劉貢父春日賜幡勝一首

寬詔隨春出內朝三軍喜氣挾狐貂鏤銀錯落翻斜
月翦綵纈紛舞慶霄臘雪強飛纔到地前一日曉風偷
轉不驚條脫冠徑醉應歸卧便腹從人笑老韶是日暮
次賜酒

再和

與君流落偶還朝過眼紛紛七葉貂莫笑華顛飄彩
勝幾人黃壤隔青霄行吟未許窮騷雅坐嘯猶能出

教條記取明年江上郡五更春枕夢春韶

葉公秉玉仲至見和次韻答之

衫締方暑亦堪朝歲晚淒風憶阜貂共喜鴻鸞歸禁
禦心知日月在重霄君如老驥初遭絡我似枯桑不
受條強鑷霜須簪彩勝蒼顏得酒尚能韶

再和

衰遲何幸得同朝温勁如君合珥貂誰惜異材蒙徑
寸自慙枯枿借凌霄光風泛泛初浮水紅糝離離欲
綴條後日一樽何處共奉常端冕作咸韶

次韻王晉卿上元侍燕端門

一首

坐來念念失前人共向空中寓一塵若問此花誰是
主天教閑客管青春

次韻王晉卿上元侍燕端門

月上九門開星河繞露臺君方枕中夢我亦化人來
光動仙毬縱香餘步輦回相從穿萬馬衰病若爲陪

王鄭州挽詞克臣

羨君華髮起琳宮右輔初還鼓角雄千里農桑歌子
產一時冠蓋慕蕭嵩那知聚散春糧外便有悲歡過
隙中京兆同僚幾人在猶思對案筆生風

子爲開封幕
與子難同

書王定國所藏王晉卿畫著色山二首

白髮四老人何曾在商顏煩君紙上影照我曾中山
山中亦何有木老土石頑正類天日光澗谷紛爛斑
我心空無物斯文定何間言言古井水萬象自往還
君歸嶺北初逢雪我亦江南五見春寄語風流王武
子三人俱是識山人

送呂昌明知嘉州

不羨三刀夢蜀都聊將八詠繼東吳卧看古佛凌雲
閣勅賜詩人明月湖得句會應綠竹鶴思歸寧復爲
尊鑪橫空好在脩眉色頭白猶堪乞左符

次韻黃魯直寄題郭明父府推穎州西齋二首

樹頭啄木常疑客客去而嗔定不然脫轄已應生井
沫解衣聊復起庖煙平生詩酒真相汙此去文書恐
獨賢早晚西湖映華髮小舟翻動水中天
寂寞東京月旦州德星無復綴珠旒莫嗟平輿空神
物尚有西齋接勝流春夢屢尋湖十頃家書新報橘
千頭雪堂亦有思歸曲爲謝平生馬少游輿音預

東坡集卷第十八

詩一百一十五首

次韻秦少章和錢蒙仲

碧畦黃隴稻如京
歲美人和易得情
鑑裏移舟天外
思地中鳴角古來聲
山圍故國城空在
潮打西陵意未平
二子有如雙白鷺
隔江相照雪衣明

次韻錢越州

籥尹超然定逸群
南遊端爲訪雲門
謫仙歸侍玉皇
案老鶴來乘刺史
輜已覺簿書哀
老子故知邊豆有
司存年來齒頰生
荆棘習氣因君又一言

同秦仲二子雨中游寶山

平明已報百吏散
半日來陪二子閑
立鵲低昂煙雨裏
行人出沒樹林間

去杭十五年復游西湖用歐陽察判韻

我識南屏金鯽魚
重來拊檻散齋餘
還從舊社得心印
似省前生覓手書
葑合平湖久蕪漫
人經豐歲尚凋疎
誰憐寂寞高常侍
老去狂歌憶孟諸

與莫同年雨中飲湖上

到處相逢是偶然
夢中相對各華顛
還來一醉西湖雨
不見跳珠十五年

送子由使契丹

雲海相望寄此身
那因遠適更沾巾
不詞駟騎凌風雪
要使天驕識鳳麟
沙漠回看清禁月
湖山應夢武林春
單于若問君家世
莫道中朝第一人

次韻荅劉景文左藏

我老詩壇什鼓旗
借君佳句發良時
但空賀監杯中物
莫示孫郎帳下兒
夜燭催詩金燼落
秋芳壓帽露華滋
故應好語如肥瘠
有味難名只自知

坐上復借韻送岢嵐軍通判葉朝奉

雲間踏白看纏旗
莫忘西湖把酒時
夢裏吳山連越

嶠樽前羌婦雜胡兒夕烽過後人初醉春鴈來時雲
未滋爲問從軍真樂否書來粗遣故人知

軾始於文登海上得白石數升如芡實可
作枕聞梅丈嗜石故以遺其子子明學士
子明有詩次其韻

海隅荒怪有誰珍零落珊瑚泣李倫法供坐今微物

重軾舊有色難歸致孝心純只疑蕙苾來交趾未信

蟻珠出泗濱願子聚爲江夏枕不勞麾扇自寧親

次韻錢越州見寄

莫將牛弩射羊群卧治何妨書掩門稍喜使君無疾

病時因送客見車輜搔頭白髮秋無數閉眼丹田夜
自存欲息波瀾須引去吾儕豈獨坐多言

文登蓬萊閣下石壁千丈爲海浪所戰時
有碎裂淘灑歲久皆圜熟可愛土人謂此
彈子渦也取數百枚以養石昌浦且作詩
遺垂慈堂老人

蓬萊海上峯玉立色不改孤根捍滔天雲骨有破碎
陽侯殺廉角陰火發光來纍纍彈丸間瑣細或珠琲
閻浮一漚耳真妄果安在我持此石歸袖中有東海
垂慈老人眼俯仰了大塊置之盆盎中日與山海對

明年菖蒲根連絡不可解儻有蟠桃生旦莫猶可待
次韻毛滂法曹感雨詩

江南佳公子遺我錦繡端攬之温如春公子焉得寒
興雨自有特膚寸便涼靈紋藏以自潤牛斗何足干
空庭月與影強結三交歡我豈不足歟要此清團團
所歡在一醉常恐樽中乾捨酒尚可樂明珠如彈丸
但恐千仞雀忽忽發虛彈迨子閑暇時種子田中丹
一朝涉世故空腹容欺謾我頃在東坡秋菊爲夕餐
永愧坡間人布褐爲我完雪堂初覆瓦上單無下莞
時時亦設客每醉筒輒彈一笑便傾倒五年得輕安

公子豈我徒衣鉢傳一箴定非郊與島筆勢江河寬
悲吟古寺中穿帷雪漫漫他年記此味芋火對懶殘

送鄧宗古還鄉

廣漢有養子孝弟行里閭赤眉雖狩虎弛兵過其墟
至今空清泉無復雙鯉魚南鄭有李邵得妙甘公書
夜坐指流星驚倒兩使車抱關不肯仕布衣蒙璠璣
西南固多士君得二子餘寥寥忠文公搜工及樵漁
澗谿有幽討蘋芷真嘉蔬歲晚終不食心側當何如

參寥上人初得智果院會者十人分韻
賦詩軼得心字

漲水返舊壑飛雲思故岑念君忘家客亦有懷歸心
三間得幽寂數步藏清深攢金盧橘塢散人楊柳林
茶筍盡禪味松杉真法音雲崖有淺井玉醴常半尋
遂名參寥泉可濯幽入襟相攜橫嶺上未覺衰年侵
一眠吞江湖萬象涵古今願君更小築歲晚解我簪
哭王子立次兒子追韻三首

彭城初識子照眼白而長異夢成先死子密州子立

同舍生日吾夢為密州婿何清言得未嘗豈惟知札意

遂欲補詩亡子能詩出吐真相逼諸生敢願行

非無伯鸞志獨有子雲悲恨子非天合猶能使我思

兒曹莫淒慟老眼欲枯養會哭皆豪傑誰為感舊詩

子立與黃魯直張文潛晁無咎秦少游陳無已皆交善

龍困嘗魚服羊僕或虎蒙忽忽成鬼錄憤憤到天公
偶落藩牆上同游羿彀中回看十年事黃葉卷秋風

異鵲并叙

熙寧中柯侯仲常通守漳州以救飢得民有二鵲栖
其廳事訖侯之去鵲亦送之漳人異焉為賦此詩
昔我先君子仁孝行於家家有五畝園公鳳集桐花
是時烏與鵲巢穀可俯拏憶我與諸兒飼食觀群呀
里人驚瑞異野老笑而嗟云此方乳哺甚畏為與地

手足之所及二物不敢加主人若可信衆鳥不我遐
故知中孚化可及魚與猥柯侯古循吏個福真無華
臨漳所全活數等江干沙仁心格異族兩鵠栖其衙
但恨不能言相對空楂楂善惡以類應古語良非夸
君看彼酷吏所至號鬼車

次韻詹適宣德小飲巽亭

君方夢謫仙

來詩記李
白即官湖

我亦弔文園江上同三黜天

涯又一樽濤雷殺白晝梅雪耿黃昏歸去多情雨應
隨御史軒

詹為御
史主簿

東川清絲寄魯冀州戲贈

鴛溪清絲清如冰上有千歲交枝滕滕生谷底飽風
雲歲晚忽作龍蛇升嗟我雖爲老侍從骨寒只受布
與繒床頭錦衾未還客坐覺芒刺在背膺豈如髯鄉
晚乃貴福祿正似川方增醉中倒著紫綺裘下有半
臂出縹綾封題不敢妄裁剪刀尺自有佳人能遙知
千騎出清曉積雪未放游塵興白須紅帶柳絲下老
弱空巷人相登但放奇紋出領袖吾髯雖老無人憎
怡然以垂雲新茶見餉報以大龍團仍戲

作小詩

妙供來香積珍烹具太官揀芽分雀舌賜茗出龍團

曉日雲庵暖春風浴殿寒聊將試道眼莫作兩般看

次韻王忠玉遊虎丘絕句三首

當年大白此相浮老守娛賓得二丘郡人有問丘公太

謂虎丘即謁問丘白髮重來故人盡空餘叢桂小山幽規父忠玉伯父也

青蓋紅旗映玉山新詩小草落玄泉風流使者人爭

看知有真娘立道邊虎丘中路有真娘墓

舞衣歌扇轉頭空只有青山杳靄中莫共吳王鬪百

草使君未敢借驚鴻

寄蔡子華

故人送我東來時手栽荔子待君歸荔子已丹吾髮

白猶作江南未歸客江南春盡水如天腸斷西湖春
水船想見青衣江畔路白魚紫筍不誚錢霜鬢三老
如霜檜舊交零落今誰葦莫從唐舉問封侯但遣麻
姑更爬背

和錢四寄其弟蘇

再見濤頭涌玉輪煩君久駐浙江春年來揔作維摩

病堪笑東西二老人

卧病彌月聞垂雲花開順閣梨以詩見招

次韻荅之

道人心似水不礙照花妍燕坐春強半清陰月屢遷

平生無起滅一念有陳鮮嫋嫋風枝舉離離日萼焉
病吟終少味老醉不成顛何必遨頭出湖中有散仙

故周茂叔先生濂谿巖在廬

世俗眩名實至人疑有無怒移水中蟹愛及屋上烏
坐令此溪水名與先生俱先生本全德廉退乃一隅
因拋彭澤米偶似西山夫遂即世所知以為溪之呼
先生豈我輩造物乃其徒應同柳州柳聊使愚溪愚

次韻子由使契丹至涿州見寄四首

老人癡鈍已逃寒子復辟行理亦難要到盧龍看古

塞投文易水弔燕丹

余昔年辟免使北

胡羊代馬得安眠窮髮之南共一天又見子卿持漢
節遙知遺老泣山前

甕毳年來亦甚都時時鴉舌問三蘇

子與子由入京時北使已問所在後

余雖伴北使那知老病渾無用欲問君王乞鏡湖

始憶庚寅降屈原旋看蠟鳳戲僧虔隨翁萬里心如

鉄此子何勞為買田

特能行

雪後便欲與同僚尋春一病彌月雜花都

盡獨牡丹在耳劉景文左藏和順閣梨詩

見贈次韻答之

殘花怨久病剩雨泣餘妍不見雙旌出空令九陌遷

開國市知君苦寂寞妙語嚼芳鮮淺紫從爭發浮紅
任早鶩天葩尚青萼國色待華顛載酒邀詩將矐儻
不是仙

次韻劉景文周次元寒食同游西湖

絮飛春減不成年老境同乘下瀨舫藍尾忽驚新火

後樂天寒食詩云三鱖邀頭要及浣花前成都太守自

海至四月十九山西老將詩無敵洛下書生語更妍

共向北山尋二士畫桡鼉鼓聒清眠

連日與王忠玉張全翁游西湖訪北山清

順道潛二詩僧登垂雲亭飲參寥泉最後

過唐州陳使君夜飲忠玉有詩次韻答之

北山非自高千仞付我足西湖亦何有萬象生我目

雲深人在塢風靜響應谷與君皆無心信步行看竹

竹間逢詩鳴眼色奪湖淥百篇成俯仰二老相追逐

故應千頃池養此一雙鷓山高路已斷亭小膝屢促

夜尋三尺井渴飲半甌玉明朝鬧絲管寒食雜歌哭

使君坐無聊狂客來不速載酒有鷓夷扣門非啄木

浮蛆灑金盃翠羽山華屋須臾便陳迹覺夢那可續

及君未渡江過我勤秉燭一笑換人爵百年終鬼錄

新茶送簽判程朝奉以餽其母有詩相謝

次韻答之

縫衣付與溧陽尉捨肉懷歸潁谷封聞道平反供一
笑會須難老待千鍾火前試焙分新勝雪裏頭網輟
賜龍從此昇堂是兄弟一甌林下記相逢

次韻送張山人歸彭城

羨君飄蕩一虛舟來作錢塘十日遊水洗禪心都眼
淨山供詩筆摠眉愁雲中乘興真聊爾春盡思歸却
罷休何日五湖從范蠡種魚萬尾橘千頭

次韻林子中王彥祖唱酬

早知身寄一漚中晚節尤驚落木風近聞華老公擇
皆逝故有此句

昨夢已論三世事歲寒猶喜五人同軾與子中彥祖子
數完夫司武舉人
景德詩
今皆建兩餘北固山圍座春盡西湖水映空差勝四

明狂監在更將老眼犯塵紅

壽星院寒碧軒

清風肅肅搖窻扉窻前脩竹一尺圍紛紛蒼雪落夏
簾冉冉綠霧霑人衣日高山蟬抱葉響人靜翠羽穿
林飛道人絕粒對寒碧為問鶴骨何緣肥

書劉景文所藏王子敬帖絕句

家雞野鷺同登俎春蚓秋蛇摠入盃君家兩行十二
字氣壓鄴侯三萬籤

書劉景文所藏宗少文一筆畫

宛轉回紋錦紫盈連理花何須郭忠恕匹素畫繅車

真覺院有洛花花時不暇往四月十八日

與劉景文同往賞枇杷

綠暗初迎夏紅殘不及春魏花非老伴盧橘是鄉人
井落依山盡巖崖發興新歲寒君記取松雪看蒼鱗

又和劉景文韻

牡丹松檜一時栽付與春風自在開試問壁間題字
客幾人不爲看花來

西湖壽星院此君軒

卧聽謾謾碎龍鱗俯看蒼蒼立玉身一舸鷗夷江海
去尚餘君子六千人

仲天貺王元直自眉山來見余錢塘留半

歲既行作絕句五首送之

仲君豈弟多學王子清脩寡言病後空驚鶴瘦時來
或作鵬騫

海角煩君遠訪江源與我同來刺作數詩相送莫教

萬里空回

三人一旦同行高齋復與秦舛章同寓留下高齋月明

遙想扁舟京口尚餘孤枕潮聲

更欲留君久，往念君去國，彌年空使犀顛玉頰長懷，
鬢舅悽然。

為予遠致，慇懃瑞草橋邊，老人紅帶雅宜華髮白醪，
光泛新春。慶源人也

贈善相程傑

心傳異學，不謀身自要清時，閱掃紳火色上騰，雖有
數急流勇退，豈無人書中苦覓，无非訣醉裏微言，却
近真我似樂天君，記取華顛賞遍洛陽春。

次韻林子中蒜山亭見寄

奇逸多聞老敬通，何人慷慨解憐翁，十年簿領催衰

白一笑江山發，醉紅聞道賦詩臨，北固未應舉扇向
西風，叩頭莫喚無家客，歸掃岷峩一畝宮。

再和并荅楊次公

毗盧海上妙高峯，二老遥知說此翁，聊復艤舟尋紫
翠不妨持節散陳紅，高懷却有雲門興，好句真傳雪
竇風，唱我三人無譜曲，馮夷亦合舞幽宮。

次韻劉景文送錢蒙冲三首

誰識天閑老驥不爭日，暮長途送盡青雲九子歸去，
扁舟五湖。

寄語竹林社友，同書桂籍，天倫三，
為鬼錄世間。

無此玉人

五字古原春草千金漢殿長門經緯尚餘三策典刑
留與諸孫

菩提寺南漪堂杜鵑花

南漪杜鵑天下無披香殿上紅氍毹鶴林兵火真一
夢不歸閨苑歸西湖

題楊次公春蘭

春蘭如美人不採羞自獻時聞風露香蓬艾深不見
丹青寫真色欲補離騷傳對之如靈均冠佩不敢燕
題揚次公蕙

蕙本蘭之族依然臭味同曾為水仙佩相識楚詞中
幻色雖非實真香亦竟空云何起微馥鼻觀已先通

次韻曹輔寄壑源試焙新芽

仙山靈雨濕行雲洗遍香肌粉未勻明月來投玉川
子清風吹破武林春要知玉雪心腸好不是膏油首
面新戲作小詩君一笑從來佳茗似佳人

次韻素公濟謝芎椒詩

燥吻時時著酒濡要令卧疾致文殊河魚潰腹空號
楚汗水流散始信吳吳真君服椒法云自笑方求三
歲艾不如長作獨眠夫羨君清瘦真仙骨更助飄飄

鶴背驅

次韻和揚次公惠徑山龍井水龍井水洗病眼有效
漏盡雞號厭夜行年來小器溢餅罌弃官縱未歸東
海罷郡猶堪作水衡幻色將空眼先暗勝游無礙脚
味輕空煩遠致龍淵水寧復臨池似伯英

次韻劉景文登介亭

澤國梅雨餘衰年困烝溽高堂磨新塼頗覺利胷足
松根百尺井兩綆飛淨淥流觴聚兒童一笑為捧腹
清風信可馭剛氣在巖麓始知共此世物外無三伏
長歌入雲去不待絃管逐西湖真西子煙樹點眉目

濤江少醞藉高浪翻雪屋俛仰拊四海百世飛鳥遠
遠追錢氏餘近弔祖侯躅吾生如寄耳寸晷輕尺五
誰似劉將軍逸韻謝邊幅千言一揮手五車不再讀
春巖彩雞舞月峽哀猿哭朝先啼鳩起莫與寒蠶續
我老廢吟哦賴君時擊觸從今事遠覽發軔此幽谷
清游得三昧至樂謝五欲莫作狂道士氣壓劉師服
袁公濟和劉景文登介亭詩復次韻答之

昏昏墮醉夢柰此六月溽君詩如清風吹我朝睡足
登臨得佳句江白照湖淥袖手獨不言默藁已在腹
是時風雨過鶉鶉雲歸麓疎星帶微月金火爭見伏

惜哉此清景變滅不可還歸來讀君詩耿耿猶在目
却思少年日聲價爭場屋文如翻水成賦作以手速
秋風起鴻鴈我亦繼華躅那知君蹭蹬獨泣荆山玉
相見南新道青衫垂破幅早知事大繆恨不十年讀
莫嫌馮唐老終勝賈誼哭今年復為僚舊好許童續
升沈何足道等是蠻與觸共為湖山主出入窮澗公
衆馳君不爭入弃我所欲何時拜武門相約挂冠服

介亭餞楊傑次公

籃輿西出登山門嘉與我友尋仙村丹青明滅風篁
嶺環珮空響桃花源郡人謂介亭山下為桃源時前朝欲上巴

履黑雲白雨如傾盆今晨積霧卷千里豈畏觸熱生
病根在家頭阨無為子久與青山為弟昆孤峯盡處
亦何有西湖鏡天江抹坤臨高麾手謝好佳清風萬
壑傳其言風回響答君聽取我亦到處隨君軒

次京師韻送表弟程懿叔赴夔州運判

與子甥舅氏摧頹各蒼顏並為東諸侯長此佳江山
寒松無時花安得挿髻鬢惟將老不死一笑榮枯間
我甚似樂天但無素與蠻挂冠及未耄當獲一紀閑
子亦拙進取才高命堅頑譬如萬斛舟行此九折灣
仲氏新得道一漚目塵寰君之兄德孺自言於佛法有得歲晚家

鄉路莫遣生榛管

葉教授和溥字韻詩復次韻為戲記龍井之游

先生魯諸儒飲食清不溥空腸出秀句吟嚼五味足
華堂開絲管眸子漲春綠先生疾走避面冷毒在腹
歸來煮瓠葉弟子歌旱麓聲淫及靈臺中有麀鹿伏
功名一走兔何用千人逐故應容我輩清座時閉目
高亭石排衙木杪挂飛屋我來無時節客亦不待速
似聞雪髯叟西嶺訪遺躅朝陽入潭洞金碧涵水玉
泉扉夜不高雲袂本無幅慈皇付寶偈神侶得幽讀

訥庵有老人宴坐天魔哭時來獻纓絡法供燈相續
吾儕詩酒行欲往無乃觸齋厨費晨炊車騎滿山谷
願聞第一義鉢飯非所欲便投切雲冠予幼好奇服

次韻林子中見寄

飄零洛社數遺民詩酒當年困惡賓元亮本無適俗
韻孝章要是有人蒜山小隱雖為客江水西來亦
帶岷卷却西湖千頃對笑看魚尾更莘莘

安州老人食蜜歌

贈僧仲殊

安州老人心似鉄老人心肝小兒舌不食五穀惟食
蜜笑指蜜蜂作檀越蜜中有詩人不知千花百草爭

含姿老人咀嚼時一吐還引世間癡小兒小兒得詩
如得蜜蜜中有藥治平百疾正當狂走捉風時一笑
看詩百憂失東坡先生取人廉幾人相歡幾人嫌恰
似飲茶甘苦雜不如食蜜中邊甜佛云吾言譬如因
君寄與雙龍餅鏡空一照雙龍影三吳六月水如湯
老人心似雙龍井

次韻錢穆父紫薇花二首

虛白堂前合抱花秋風落日照橫斜閱人此地知多
少物化無涯生有涯虛白堂前紫薇兩
折得芳蕤兩眼花題詩相報字傾斜篋中尚有絲綸

句坐覺天光照海涯

樂天詩云絲綸閣下文書靜鐘

伴紫綵花對紫綵即

上

送張嘉州

少年不願萬戶侯亦不願識韓荆州頗願身為漢嘉
守載酒時作凌雲遊虛名無用今白首夢中却到龍
泓口浮雲軒冕何足言惟有江山難入手我眉山月
半輪秋影入平羌江水流謫仙此語誰解道請君見
月時登樓笑談萬事真何有一時付與東巖酒佛峽
伯名酒昔歸來還受一大錢好意莫違黃髮叟

次韻蘇伯固生薄重九

雲間朱袖拂雲和知是長松挂女蘿髻重不嫌黃菊
滿手香新喜綠橙搓墨翻衫袖吾方醉紙落雲煙子
惠多只有黃雞與白髮玲瓏應識使君歌

送李陶通直赴清溪

忠文文正二大老司馬溫公范蜀蘇李廣平三舍人孫

容宋次道與先公才元無寧中封還喜見通家賢子弟自

言得邑少風塵從來勢利關心薄此去溪山琢句新

肯向西湖留數月錢塘初識小麒麟

次韻楊公濟奉議梅花十首

梅梢春色弄微和作意南枝翦刻多月黑林間逢縞

扶霸陵醉尉誤誰何

相逢月下是瑤臺藉草清樽連夜開明日酒醒應滿

地空令飢鶴啄莓苔

綠髮尋春湖畔回萬松嶺上一枝開而今縱老霜根

在得見劉郎又獨來

月地雲堦漫一搏玉奴終不負東昏臨春結綺荒荆

棘誰信幽香是返魂

日出冰湖散水花野梅官柳漸歌斜西郊欲就詩人

飲黃四娘東子美家

君知早落坐先開莫著新詩句句催嶺北霜枝景多

思忍寒留待使君來
冰盤未薦含酸子雪嶺先看耐凍枝應笑春風木芍
藥豐肌弱骨要人醫
寒雀喧喧凍不飛遶林空啁未開枝多情好與風流
伴不到雙雙燕語時
蛟綃翦碎玉簪輕檀暈粧成雪月明肯伴老人春一
醉懸知欲落更多情
縞纈練恍玉川家肝膽清新冷不邪穠李爭春猶辦
此更教踏雪看梅花

贈劉景文

荷盡已無擎雨蓋菊殘猶有傲霜枝一年好處君須
記最是橙黃橘綠時

謝闕景仁送紅梅栽二首

年年芳信負紅梅江畔垂垂又欲開珍重多情開令
尹直和根撥送春來
爲君栽向南堂下記取他年著子時酸醜不堪調衆
口使君風味好攢眉

辯才老師返居龍井不復出入軾往見之

常出至風林呈嶺左右驚曰遠公復過虎溪
矣辯才笑曰杜子美不云乎與子成二老

來往亦風流因作亭嶺上名之曰過溪亦
曰二老謹以辯才韻賦詩一首

日月轉雙轂古今同一丘惟此鶴骨老凜然不知秋
去住兩無礙人大爭悅留去如龍出山雷雨卷潭湫
來如珠還浦魚鼈爭研頭此生暫寄寓常恐名實浮
我比陶令愧師為遠公優送我還過溪溪水當逆流
聊使此山人永記二老遊大千在掌握寧有離別憂

送程之邵無判赴闕

夜光不自獻天驥良難知從來一狐腋或出五羖皮
賢哉江東守收此幕中奇無華豈易識既得不自隨

留君望此府助我憐其衰二年促膝語一旦長挹辭
林深伏猛在岸改潛珍移去此當安從失君徒自悲
念君瑚璉質當今臺閣宜去矣會有合豈常懷其私

寄題梅宣義園亭

仙人子真後還隱吳市門不惜十年力治此五畝園
初期橘為奴漸見桐有孫清池壓丘虎異石來湖龍
啟門無貴賤遂性各琴尊我本放浪人家寄西南坤
敝廬雖尚在小園誰當樊羨君欲歸去柰此未報恩
愛子幸僚友久要疑弟昆明年過君西飲我空罍盆
熙寧中軾通守此郡除夜直都廳囚繫皆

滿日莫不得返舍因題一詩于壁今二十
年矣衰病之餘復忝郡寄再經除夜庭事
蕭然三國皆空蓋同僚之力非拙朽所致
因知前篇呈公濟子伴二通守

前詩

除日當早歸官事乃見留執筆對之泣哀此繫中囚
小人營謀根墮網不知羞我亦戀薄祿因循失歸休
不須論賢愚均是爲食謀誰能暫縱遣閑默愧前修
今和

山川不改舊歲月逝昔留百年一俯仰五勝更平王囚

同僚比岑范德業前人羞坐令老鈍守彌諾獲少休
却思二十年出處非人謀齒髮付天公缺壞不可修
遊寶雲寺得唐彦猷爲杭州日送客舟中
手書一絕句云山雨霏微不滿空畫舫來
往疾輕鴻誰知獨卧朱簾裏一榻無塵四
面風明日送彦猷之子垌赴鄂州舟中遇
微雨感歎前事因和其韻作兩首送之且

歸其書唐氏

二妙凋零筆法空忽驚雲海戲群鴻清詩不敢私囊
篋人道黃門有父風橫門獨

出處榮枯一笑空十年社燕與秋鴻誰知白首長河
路還卧當時送客風

送江公著知吉州

三吳行盡千山水猶道桐廬更清美豈惟濁世隱狂
奴時平亦出佳公子初冠惠文讀城旦晚入奉常陪
劍履方將華省起彈冠忽憶釣臺歸洗耳未應良木
弃大匠要使名駒試千里奉親官舍當有擇得郡江
南差可喜白粲連檣一萬艘紅粧執樂三千指簿書
期會得餘閑亦念人生行樂耳

二耳得軼不同
聞錢道士與越守穆父飲酒送二壺

龍根爲脯玉爲漿下界寒酷亦漫嘗一絃鶴經逸少
醉他年鵬賦謫仙狂金丹自足留衰鬢苦淚何須點
別腸吳越舊邦遺澤在定應符竹付諸郎

以韻劉景文路分上元

華燈闕艱歲冷月掛空府三吳重時節九陌自歌舞
云從月幾望遂至一百五嘉辰可屈指樂事相繼武
今宵掃雲陣極目淨天宇嬉遊各忘歸圓咽頃未覩
飛毬互明滅激水相吞吐老去反兒童歸來尚銑鼓
新年消暗雪舊歲添絲縷何時九江城相對兩漁父

再和楊公濟梅花十絕

一枝風物便清和，看盡千林未覺多。
結習已空從著袂，不須天女問云何。

天教桃李作輿臺，故遣寒梅第一開。
憑仗幽人收艾納，國香和雨入青苔。

白髮思家萬里回，小軒臨水爲花開。
故應刺作詩千首，知是多情得得來。

人去殘英滿酒樽，不堪細雨濕黃昏。
夜寒那得穿花蝶，知是風流楚客魂。

春入西湖到處花，裙曹芳草抱山斜。
盈盈解佩臨煙

浦脉脉當墟傍酒家

莫向霜晨怨未開，白頭朝夕自相催。
斬新一朶含風

露恰似西廂待月來

洗盡鉛華見雪肌，要將真色鬪生枝。
檀心已作龍涎

吐玉頰何勞獺髓醫

湖面初驚片片飛，尊前吹折最繁枝。
何人會得春風

意怕見梅黃雨細時

長恨漫天柳絮輕，只將飛舞占清明。
寒梅似與春相

避未解無私造物情

北客南來豈是家，醉看參月半橫斜。
他年欲識吳姬

面秉燭三更對比花

與葉淳老侯敦夫張秉道同相視新河秉道有詩次韻二首

君不見元帥府前羅萬戟濤頭未順千弩射至今鳳
皇山下路長借一箭開兩翼我鑿西湖還舊觀一眼
已盡西南碧又將回奪浮山險千艘夜下無南北坐
陳三策本人謀惟留一諾待我畫老病思歸真暫寓
功名如幻終何得從來自笑畫蛇足此事何殊食雞
肋憐君嗜好更迂闊得我新詩喜折屐江湖粗了我
徑歸餘事後來當潤色一庵閑卧洞霄宮井有丹沙

水長赤

荆溪父老愁三害下斬長蛟本無賴平生偏強韓退
之文字猶爲鱈魚戒石門之役萬金耳首鼠不爲吾
已隘江湖開塞古有數兩鵠飛來告成壞勸農使者
非常人一言已破黎民駭上饒使君更超逸坐睨浮
山如累塊髯張乃我結襪生詩酒淋漓出狂怪我作
水衡生作丞他日歸朝同此拜

梭筍并叙

梭筍狀如魚剖之得魚子味如苦筍而加甘芳蜀人
以饌佛僧甚貴之而南方不知也筍生膚毳中蓋花

之方孕者正二月間可剝取過此苦澀不可食矣取
之無害於木而宜於飲食法當烝熟所施略與筍同
蜜煮酢浸可致千里外今以餉殊長老
贈君木魚三百尾中有我鶯黃子魚子夜叉剖瘻欲分
甘釋龍藏頭敢言美願隨蔬果得自用勿使山林空
老死問君何事食木魚烹不能鳴固其理

次韻曹子方龍山真覺院瑞香花

幽香結淺紫來自孤雲岑骨香不自知色淺意殊深
移栽青蓮宇遂冠薜蘿林紉爲楚臣佩散落天女襟
君持風霜節耳冷歌笑音一逢蘭蕙質稍回鉄石心

置酒要妍暖養花須晏陰及此陰暗間恐致怪嗇霖
絲雲知易散鷓鴣憂先吟明朝便陳迹試著丹青臨

次韻曹子方運判雪中同遊西湖

詞源灑灑波頭展清唱一聲巖谷滿未容雪積句先
高豈獨湖開心自遠雲山已作歌眉淺山下碧流清
似眼尊前侑酒只新詩何異書魚餐蠹簡

次韻仲殊雪中游西湖二首

夜半幽夢覺稍聞竹葦聲起續凍折絃爲鼓一再行
曲終天自明玉樓已崢嶸有懷二三子落筆先飛雲
共爲竹林會身與孤鴻輕秀語出寒餓身窮詩乃亨

禪老復何爲笑指孤煙生我獨念衆者誰與予目成
寶雲樓閣開千門林靜初無一鳥喧閉戶莫教風掃
地卷簾疑有月臨軒水光瀲灩猶浮碧山色空濛已
斂昏乞得湯休奇絕句始知鹽絮是陳言

次韻參寥同前

朝來處處白氈鋪樓閣山川盡一如認是爛銀并白
玉不知奇貨有誰居


送小本禪師赴法雲

寫形天宇間出處會有役澹然都無營百年何由畢
山林等憂患軒冕亦戲劇我未即歸休師寧便安逸

王城滿豪傑議論紛黑白聖諦第一義對面誰不識
師來亦何事孤月挂空碧是身如浮雲安可限南北
出岫本無心旣雨歸亦得珠泉有舊約何年挂鉗錫
書潭令公燕魚朝恩圖

咸寧英氣似汾陽夜飲軍容出紅粧不須纏頭萬匹
錦知卿未辨作呂強

東坡集卷第十八



西

